



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 五九四

詒卿詩鈔二卷 李明農撰

育蘭堂詩鈔四卷育蘭堂詩鈔續編四卷 劉仲瑋撰

聽春草堂詩鈔二卷 周揆源撰

青藜閣吟草六卷 劉禮淞撰

西園詩鈔八卷 李卿穀撰

悔廬文鈔五卷首一卷悔廬文補一卷悔廬詩鈔四卷夢溪權謳二卷 張崇蘭撰

趙文恪公遺集二卷 趙光撰

華陽山房詩鈔六卷 方元泰撰

荆花館遺詩不分卷 王慶雲撰

石延壽館文集不分卷 王慶雲撰

一

四一

八一

一〇一

一九一

二五一

四三三

四六三

五四七

五七五

自序

余自束髮受書酷嗜漢魏樂府及唐宋諸大家詩特苦質性淺劣未能窺其奧窔嗣遇西江吳蘭雪先生口講指畫者有年始稍稍知古人用意所在信手塗抹自忘其醜非敢云詩也板橋不云乎雖剗形去皮搜精抉髓不過騷壇一詞客耳何與社稷生民之大耶知讀書僅以詩鳴不幸甚矣向者亦嘗自愧自悔欲併此而燒之輒爲友人勸止曰子不願藉詩以傳子之境遇亦可藉此以自驗庶學力與年可望俱進耳是則友人之厚意也是則余刻詩之本意也道光甲辰七月二十九日詒卿識

詒卿詩鈔

自序

詒卿詩鈔卷一

北平 李明農

詒卿

原籍
蒼梧

韜光觀海

峇嶺靈鷲白雲遮一路春山帶晚霞鯨浪銷沈天遠大蜃樓明滅日光華貢琛正值來夷島轉漕何妨泛海槎我亦乘風欲歸去片帆西北是吾家

謁林和靖祠

山靜鳥相喚白雲時卷舒高祠下拜日越水泊舟初封禪生無稿閒仙手自書梅花誰補種我欲賦巢居

詒卿詩鈔

卷一

月夜宿孤山

空山寂無人妙境心自領一鶴踏明月滿地梅花影石上有青苔抱琴終夜宿山風吹酒醒一半春衫綠

由孤山泛舟至爭慈寺

南峯雲氣北峯連樓閣參差望渺然佛鷲遠迷三竺雨仙鳬飛破六橋烟蕙香半入湖心棹柳色全搖波底天好趁曉風三十里看山直到寺門前

夜泊朱家橋有感

小泊何須怨石尤經年一棹尙夷猶山雲初起月微失潮

水欲來江倒流繞鬢飛蚊妨好睡滿瓶美醞破羈愁先入
窻窈頻煩治願向堯夫乞麥舟

桐廬

風送棹歌聲桐廬無限情魚肥先問價酒美不知名江水
清圍縣春山碧入城晚來天欲雨時有白雲生

入瀧

一雨桐江碧輕舟下急湍風來挂帆好山愛入瀧看蓬轉
峯皆背天開水又寬畫眉聲不斷已過子陵灘

出瀧

詩卿詩鈔

卷一

二

遠水不可極遠山亂無數瀧外天地寬煙巒競吞吐迴抱
嚴州城半入雲深處活活澗邊泉歷歷煙中樹吾性頗不
羈隨境發清悟憶昨釣臺回樵響空林暮日落山蒼然橫
空下白鷺忽聞起疾雷江空走逾怒電閃東南隅大雨傾
如注我舟泊其中此心亦驚怖曲折萬山間何處覓來路
一夜鯉魚風天明峭帆去得魚充客庖對酒覓佳句且付
漁人歌聊識煙波趣

雨夜

瓦背落秋雨憂來如亂絲倚閭南慈母負米一孤兒多病

涼先覺閒吟睡每遲不堪鄉信少計日定歸期

歸舟

水天一碧下江鷗我卧吟詩船自流經歲畧諮孤客味此

心甘守故鄉秋欲教鸚鵡竟無話時舟人餉鸚鵡甚馴未見梅花空

遠遊九里洲梅花甚盛余兩過嚴州皆以不見爲憾幸有青山三百里不辭相送

過嚴州

九月初二日錢塘江觀潮

木葉下亭臯江空走怒濤漁舟人影亂估客語聲嘈岸澗

羣峯接波翻石堰牢長堤虹宛宛巨浸浪滔滔滄嶼揚旌

詩卿詩鈔

卷一

三

旆靈胥擁節旄勢從鯢壑湧氣撼越山高萬馬齊奔突千
林大怒號雷霆驚迅疾風雨帶蕭騷天塹疑驅虜民田欲
策鼇捲沙如折鐵斷水孰抽刀自昔憂衝擊偏嗟費築勞
壘須修滬濱箭合伏弓弣

聖訓昭星日臣工亟鼓鑿素車誰執轡毋乃太勤勞

塘郡

塘郡風景似西興破屋家家補野藤桑櫓數聲橋下過半

溪煙雨賣紅菱

雨後泊蘇州

秋雨暮蕭蕭秋風疎柳條月明養鶴澗雲冷渡僧橋畫舫
中流適青帘隔岸招故鄉何日到最怕聽吹簫

泊瓜州

日落煙波濶孤舟倦晚行江吞瓜步月山控潤州城漁火
遙天合寒潮半夜生旅懷說不盡細細計歸程

寶應道中

舊歲洪湖坂蒼生亦可憐桃花誰飯粥燕子已無田尸漂
魚爭肉燈紅鬼上船茫茫交百感念此一凄然

妖霧山城合災黎命不支頻將鬻婦淚滴向告人時民已

詒卿詩鈔

卷一

四

流亡久官猶出勘遲哀鴻中澤遍誰築鄭公陂

水患今如此奇災竟若何王尊曾執壁蕭傲願移河無復
木龍計空矜鐵戟多和衷能濟事著詞莫偏頗

渡黃河

征帆一片挂斜陽滾滾波濤接大荒九曲桃花流不盡黃
河低處是淮揚

將抵都門先寄大姪正鏞

還鄉有夢到柴扉憂患年來減帶圍親老豈宜爲客久家
貧始悔讀書非自嫌負米歸何晚敢道憐才遇竟稀生計

無多頻累汝勉持舊業慰重闈

近況

數椽茅屋帶斜暉近况蕭條百計非賣賦爲求將母粟買
書還典禦寒衣苦無樽酒留佳客剩有籬花補破扉且喜
身閒無一事承歡猶得侍庭闈

呈吳蘭雪師

新句雞林徧奇才曠代知功名身外事憂樂病中詩
先生病中與潘芸閣侍講往復論叢輔水利事宜卜宅梅千樹尋山杖一枝桐江許偕
隱攜鶴願相隨

詒卿詩鈔

卷一

五

詩舫作

古屋園溪水門前綠一灣栽花及春雨倚杖看西山客已
經年謝詩將舊句刪翛然忘世慮心共白雲閒

憶西湖舊遊

路出清波日已曛空明一鏡望中分湖邊四面瀟瀟雨南
北山頭盡是雲

白堤行過又蘇堤一路桃花送馬蹄更把玉鞭湖上指柳
陰深處有鶯啼

石筍參天曉霧開御書樓畔久徘徊摩崖碑在南屏頂

更有何人響榻來

春池花暖 御樓香煥爛

天書日月光 輦路四圍

山翠重野人扶杖頌

先皇

曾尋古樹繫漁槎濃綠陰中是酒家時見湖心亭子外鷺

鶯飛過白荷花

淨慈寺在白雲邊碧瓦朱樓映日鮮閒著一杆消晝永山

僧贏却買花錢

攜鶴吟詩夜未還山僧留我宿禪關開門數尺宵來雪香

詒卿詩鈔

卷一

邊梅花一角山

清游閒泛木蘭橈煙雨空濛過六橋十八澗邊明月上美

人花下自吹簫

陰陰萬壑走輕雷山意蒼茫帶雨來忽轉西溪三兩曲誰

家姊妹採茶回

山城倒影浸湖光路入招提更杳茫記得柳陰祠下拜一

杯曾酌水仙王

城西晚眺

西風吹古木落葉晚蕭蕭飼鴨屋臨水騎驢人過橋城頭

衙夕照闌口響秋潮知與西山近相逢但採樵

月夜

屋角挂殘月天末微雲生雲來月微隱月吐雲俱明須臾

一迴顧雲散天爲清露華綴蘭葉下有秋蟲鳴

訪李冰如孝廉

日暮碧雲合杳然溪水深我來訪蘿屋秋色正陰陰樹冷

泉鳴澗山空鶴聽琴遠峰相對綠與約共清吟

尋懺園故址

車馬不復到荒園已百年瘦藤支破閣亂石咽流泉野老

詒卿詩鈔

卷一

種秋菜寒雅棲暮烟感懷王相國風景亦凄然

遊西山五華寺

一抹西山翠嵐光寺外濃寒煙生暝色紅葉晝秋容荒磧

少人跡夕陽鳴晚鐘欲求僧榻住高卧白雲峰

苦旱

去年驅馬過東昌郊外人家鮮蓋藏蝗孽捕餘猶有子樹

皮食盡更無糧近聞漕米留加賑頗覺秋禾又亢陽誰繼

都亭議餽粥心勞溫拯獨

君王

觀西征將士出塞

吉林萬隊擁貔貅西下樓蘭過 帝州小醜豈容辜

盛世

天戈自可斬羌酋嘶風戰馬跑空立落雁雕弓出塞秋早
晚春嚙須布穀將軍速飲月支頭

家仁山兄權蘭谿象却寄

風流循吏本傳生濟世情深豈近名玉帶山前培土氣
舊無考擲君勸士民捐至萬金得以落成金華洞裏勸農耕獄翻成案民長戴
君會與平反德清徐蔡氏獄官有清聲祖亦榮一紙鸞書

詒卿詩鈔

卷一

八

天語重感

恩唯有涕縱橫

深情望我起門閭猶向風塵跨蹇驢雙鳥承

恩知祿厚一矜將母愧才疎春蔬薄種難留客清俸平分
勸讀書四壁獨存琴劍在幽居誰念病相如

卽事

幽居半畝水雲間無事終朝對白鷗閒賞黃花頻貰酒愛
看紅葉獨尋山苦吟長避衆人句多病難開慈母顏睡足
我同邊仲子棲遲聊以養疎頑

冬日排悶

風雪寒如此梅花開一庭

時詩舫素心蠟梅盛開

紙窗連月白老樹

入冬青病僕教磨墨山僧乞寫經瘦吟同島佛時有鶴來
聽

春日游釣魚臺順道入白雲觀訪長春子彈琴處

長安風日美一路馬蹄驕春樹綠於水桃花紅過橋溪光
圍鷺影雪氣湧山腰何處尋沽酒從容問野樵
沿道栽官柳清風

輦路長堤形隨水曲樓影入花香野店飄青幟春波媚夕

詒卿詩鈔

卷一

九

陽釣臺留盛蹟父老頌

純皇

前村如畫裏遙見兩三家牧豎卧春草耕牛飯落花短牆
編竹綠芳樹到門斜知是清明近時逢上塚車

欲訪長春子雲深何處尋泉聲落階石松籟瀉瑤琴白鹿
飼蕉葉青牛眠樹陰此時有仙意不覺日西沈

聞西師大捷

王師昨度玉門關木素風高破賊還戰血新添圖庫水寒
雲深擁格登山藁街已落烏孫膽露布微開

聖主顏能鬪尙須防困獸軍前兵甲莫安閒

西師凱歌

先皇神武勒碑還六十年來敵玉關誰遣戎心生勃律將
軍衝雪下天山

雅城水繞陣雲黃兩翼弓刀夜有光鐵壁一隅誰負險軍
聲先懾白羊王

寒逼團花舊戰袍嫖姚勝算盡龍韜今朝快飲樓蘭血蒸
嶺高高挂寶刀

萬里平原雪色寒閒飛赤羽夜傳餐礮聲驚落天驕膽已
訖卿詩鈔 卷一 十

報生擒噶勒丹

玉帳牙旗落照邊烏孫南北爭烽煙沙場醉飲青田酒又
賜軍中普爾錢

苜蓿花肥綠玉驄鬼章胎禍敢潛蹤銜 恩百戰穿金

甲更度陰山一萬重

羌女年年怨塞笳朔風吹雪滿龍沙從今青海春光早開
遍冰山胡蝶花

奇功如此勿重邀萬馬爭馳雪嶺高九曲黃河流不盡年
年長送綠蒲桃

閒居述懷集庾開府

寂寥人事屏有道得從師野膳惟藜藿山巾蓼笋皮襪川
求藥錄樵客值圍棋何必淮南館雙峰似畫眉

無悶無不悶人情元又元決渠移水碓燒棘起山田沈首
多推運忘形本自然忽聞泉石友輕舉逐神仙

懷抱獨昏昏壺盧一酒樽濕花飛未遠春柳卧生根舊竹
侵行徑長橋映水門故人倘思我寂絕到桃源

野老時相訪來過仲蔚廬新藤亂上格白鷺下觀魚野鳥
繁絃囀山心人事疏託情忻六學麥隴帶經鋤

訖卿詩鈔 卷一 十一

空枉平原騎驚妻倒閉門急風吹戰鼓流雪長河源野老
披荷葉山杯捧竹根不言登隴首無樹卽新村 時百城 初平

猶憶南皮返逢花駐馬看文絃入舞曲高堰歇金鞍美酒
含蘭氣繁辭湧筆端投瓊實有慰虛薄報恩難

花徑日相攜春山百鳥啼香螺酌美酒小艇釣蓮溪隔嶺
鐘聲度交塍香穗低故人相借問寥廓本乘蜺

比日思光景金鞍上翠微春洲鸚鵡色丹水鳳凰磯雨歇
殘虹斷山喧雙翟飛徒知日云暮不見一人歸

聞道樓船戰長平正凱歸將軍息邊務

天策始乘機函谷風塵散中臺夕

奏稀流沙既西靜長卷一戎衣

日晚荒城上山晴雲倒回沙洲兩岼迴白鶴一雙來水向

蘭池泊渠從龍骨開詎能從小隱於此暫徘徊

不見石城樂昏昏有俗心聚花聊飼鶴跂石始調琴落日

低蓮井空花榭棗林求爲洛陽買何處覓黃金

澗暗泉偏冷花紅燥更濃春洲藉芳杜洞口礙橫松畫水

流全住山雲半繞峰詎知長抱膝灑酒召昌容

書越南志後

詩卿詩金

卷一

七

微側曾勞馬伏波跼鳶風景近如何惡灘瘴嶺知無數蠻

女插花騎象多

富良

江名

遠挂白雲間天使乘檣縱往還

嘉慶時上遣官封阮福映

爲安南國王

兩岼檳榔千萬樹沿流便達鬼門關

龍戶家家近水居銅船剛見雨過餘艾山花落隨流水半

賣春江鸚鵡魚

翡翠年年貢上林

中朝駝紐賜黃金越裳戀

闕心應重長似梨花江水深

獲張格爾

舊酋千叛極統帥

命宜專

時上命伊犁將軍長公齡爲揚威將軍軍營悉聽節制

聖怒雷霆布豐功日月懸

先朝曾捷伐

時英惠

高宗純皇帝知準噶爾爲天亡之諸部久安便疆界分

嘉慶二十二年遂兩路出兵

西北路庫爾喀喇沙爾

蘇至伊犁塔爾巴哈台爲天山南路開展哈喇沙爾軍車葉爾羌和闐爲天山南路耕屯

北路關展哈喇沙爾軍車葉爾羌和闐爲天山南路耕屯

遍陌阡首稽方域畧重補漢唐編

廣烏魯木齊及同子諸部落皆會屯戍有爲內屬者唐初

開都護府擴地及西北邊今遺址久湮著傳諭鄂容安此

次進兵凡準噶爾所屬之地同子部落內伊所知有與漢

唐史傳相合可援據者並漢唐所未至處一一詢之土人

詩卿詩金

卷一

七

細爲記載賤族誰期狡遺灰竟復燃背

恩常犯境乘隙却窺邊醜類謀元詭凶徒惡未悛潛滋周

勃律煽惑及先零

時白帽同子爲之接應糾同布魯特突入卡倫屯集作亂

殺氣莎車

滿妖氛鐵壁纏披猖困疏勒聲震祁連簽斷庚郵阻糧

空戍校偏七旬勞據守一夕變烽烟力盡由孤注身輕遂

棄捐

喀什噶爾被圍七十餘日參贊大臣慶公

烏蘭城失險葱嶺檄難

傳風鶴頻驚日沙蟲化劫年信難寬

武鉞甘自外

堯天

授策資

丹陛持旄仗大賢班超嫺將畧召虎贊機權要以攻心上

原堪折角先

時楊將軍遇春收復葉爾羌等處

崑崙咸縱轡哈什可投鞭

賊至渾巴什河

大軍由兩旁抄出

雪海無風度雪海惟一

道路鮮能脫者

冰山上下百餘里須修磴道

以通人馬三日不修即成廢

境轅門鳴鼓角

沙磧奮刀鉞

鼠但跳梁耳螳猶拒轍焉斫

營揮玉斧開路藉花羈

昏夜思遙竄餘生幸苟延

大軍已將賊圍

入同莊因夜雨昏黑草

深樹密復被捨死逃逸

追奔踰萬里逐北闢層巒壘破托

和鼎航燒姑墨川窮鱗

深匿影妖鳥遠離弦羅網纔疎漏

詒卿詩鈔

卷一

十四

鯨鯢又溯沿

賊聞大軍已撤復有入卡之勢

敢同梟獍惡漫恃爪牙全偵

騎能尋跡

時黑帽回子引大軍偪賊於喀爾鐵蓋山

雕戈直搗堅封狼拋鐵甲

罔象失皮船薰焰脂膏灼溝坑

項骨填礮聲驚膽落箭影

逆顛穿大合獵狶隊爭驅羣

孳還魂真游金底頸果繫軍

前大軍至喀爾鐵蓋山賊衆

經

大潰楊公芳遂生擒之

渠首探囊得紅旗奏捷遙道

陵寢過禮告

廟祧虔喜溢平羌曲形圖魯

竊笈俘囚徵束縛汗血快聯

翩疾狗何知死長蛇尙乞憐理卿

廟

疾服東市犬戎摧綏

端重

申吳綱維獨

握乾甘泉

溫詔下熊耳

御碑鐫

神武中華振

皇威月竈宣騰歡彌赤坂唱凱徧于闐

帝念昭亭育明公各勉旃筠冲皆赤子伯克亦官聯幸際

熙朝盛歌成漢樂篇

晚涼

傍水縛茅屋溪雲濕案書頻看白鳥下獨立夕陽初僕懶

失澆竹妻饒噴放魚晚涼貪散髮閒理兩三梳

大風雪游西山寶珠洞

忽作騎驢客衝風汗漫游凍雲昏雁磧積雪照幽州松火

燒無數駝鈴響未休誰知殘臘近避債借山樓

詩舫同蘭雪師夜話

茶爐竹具折枝屏寒碧蕭蕭蔭半庭却繞畫廊談往事一

雙仙鶴過來聽

春日由通州東門泛舟至大王廟

長堤微雨歇萬柳綠成絲人祭河神廟船多奉豆旗樓因
沽酒上櫓爲看山移渡口誰家女臨風唱竹枝

九日游釣魚臺

有序

王畿之西有釣臺焉閣連北闕之雄簾捲西山
之翠雲霞成綺金碧交光襟昆明而帶桑乾控盧
龍而接海淀爲我

朝

列聖駐蹕之所其下則疎林茅屋牧笛斜陽綠水

許卿詩鈔

卷一

十六

環流樓臺浸碧遙峰競秀天地流青村夫子於焉
課讀書聲與水聲互答鄉先生於此垂釣舊雨偕
今雨俱來僕也雖賦賣長安年年不飽而志在流
水往往相尋况復紫蟹黃螯雅宜攜酒青山紅樹
最好放船迺與二三知己挈榼提壺既攜手於秋
澗亦拄杖於高岡處處郊原遠帶新晴之色家家
笑語中含樂歲之聲聽四面之漁歌蘆花似雪瘦
半林之秋色木葉飛霜吟興無窮絕少催租之吏
狂歌不已焉知落帽之風於是或分韻而裁詩或

登高而作賦樂竟忘歸夜秉西園之燭詞如不就

罰惟金谷之觴而已詩曰

鷺友鵝兄莫浪猜尋詩又上釣魚臺苦吟無復衆人受酣
醉那知明月來半幅林巒名畫稿一天風雨菊花杯坐中
儘有題糕客惟少江州鶴秀才

謂陳
硯孫

庚寅二月十六日隨蘭雪師出都次韻作

大雅扶持二百年禁垣視草已華顛一官纔展匡時畧
萬事仍多賣賦緣有福峒丁逢吏隱無邊瘴水入蠻天不
才幸捧先生杖喜見經綸邁古賢

許卿詩鈔

卷一

十七

負米頻年志欲磨書堂空愛結東坡病妻覓藥衣常典慈
母憂孫髮早皤春雪半林青草寺綠楊三月白溝河人家
祭掃紛紛去觸撥孤兒淚更多

西山日落射金臺一出燕京首重圓科第未成知有命師
恩難報愧無才但依絳帳生何恨只爲童烏死更哀賤子
侍公今萬里馬前執轡半黃埃

水西豔說海棠香官廨堪爲翰墨場千樹瘴雲山路惡百
蠻銅柱日華黃撫綏早卜州民化樵算須將蠹役防第一
政聲人盡識題詩先欲勸耕桑

官湖道中

車行二十日曾未解衣眠夜半過新雨朝來上渡船耕牛
遙入畫遠樹濕含烟辛苦渾忘却時投飲馬錢

珠亭道中

松陰涼十里侵曉筇輿過來路碧雲合當爐紅袖多荷花
晨露重茶鼎午烟和一曲西江月臨風發浩歌

黔西

數載黔西客終朝獨舉杯不風常落雨雖雪亦聞雷趁市
蠻姑集挑鹽峒戶來蘆笙時一弄未肯瘴雲開

官卿詩鈔

卷一

六

東山小飲同蘭雪師作

夕陽微雨後返照入林間聊以樽中酒同看樹杪山松杉
非故國兒女憶柴關何日能歸去春明自往還

乞食圖

一杖一壺酒飄然識此翁平生輕富貴定力閱窮通身歷
艱難後心歸淡泊中何妨露雙腳鐵板唱秋風

黔靈山

不見黔靈寺梵音何處幽洞中惟石佛雲外卽僧樓磴道
飛蛇影巖聲畫角秋

山半石巖有孔續紛花雨散誰與共
吹之能作角聲

清游

過桃源訪秦人古洞

流水桃花外當年此問津和風一以拂吹遍武陵春古洞
今仍在蒼苔跡已陳幸逢

明聖日不作避秦人

題秦鼎臣先生所藏山水幀子

我聞官錦之袍不易得中流忽見千峰懸豈知山水有本
色扁舟草屨皆神仙此境幽寂無人傳龍眠下筆純自然
一峰宛轉向人立一峰突兀高插天其餘衆山亦縹緲凌

官卿詩鈔

卷一

十九

空朵朵開青蓮草木堅瘦隨蜿蜒橫側向背尤鮮妍下有
浣紗漱石之流水上有跳珠戛玉之飛泉鳥啼花落不願
呼僮掃草堂恰在清溪邊阮孚屐伯牙絃想見讀書嘯傲
年六朝山色新詩卷半棹漁磯舊釣船舟中更對一壺酒
一聲欸乃雲爲穿不挹浮邱袖不拍洪崖肩百年三萬六
千日月月清風不用錢放鶴去抱琴眠美人螺髻相迴旋
竹籬茅舍亦自得何須青龍白鹿來躡蹻枕流未許看松
色經世曾聞仗大賢

先生奉徵武定
查辦難民初時君不見鄭俠流民圖
願飯桃花燕子田又不見汲黯莅東海卧治獨結青山緣

壁間此畫不可少政餘觀道神安全我愧詩才未有江山
助但見淋漓潑墨如雲烟

除夕入大明湖登歷下亭作

天公謂我巖巖看妻孥驅之歷下形影孤天公憐我無地
可吟嘯東風吹破春水湖我知今夕是何夕桃符換盡輝
金碧圯下曾爲進履人市上猶作吹簫客未曾彈鋏款無
魚華陰且自倒騎驢臨水顧影忽大笑身如萍梗心清虛
半篙劃入鏡中去一亭招我來箕踞豐碑屹立蛟螭蟠金
爵孤飛鸞鳳翥安能種得千樹梅盡興須傾三百杯珠斗
始卿詩鈔 卷一 三

橫空向寅指玉山自倒非人推此時有酒胡不醉此地無
臺債堪避荷鍾自詡劉伶來倚覆誰知吏部睡山風吹面
酒忽醒憑欄遠對千佛青有如高人偃蹇不速至四仙五
老攜手來亭亭相揖一俯首願作林泉友嵐光剛染青霞
裾市聲又過金堤柳詞客爭爲栢葉銘春杯遍釀屠蘇酒
似憐歲去惜年華此湖以外半人家團樂笑語黃金屋豈
知寒樹仍啼鴉寒鴉啼甚苦彼此青山一坏土歲去不可
留優鉢紛紛花落雨縱教採芝入商山未必常能駐大顏
百歲光陰亦彈指浮生能得幾時間何況須臾雙尾耳迸

入爆竹聲聲裡聞中若卜鏡聽詞獨立蒼茫看烟水

書楊忠烈公集後

紅丸進後臣心傷同受顧命由先皇但願許賜上方劍一
爲朝廷斬逆璫官拜左副都御史國恩未報身先死太阿
倒授東廠臣當年豈復知天子方公草疏燈青熒舉家渴
盡聞哭聲二十四罪登彈簡隻手欲挽青天傾不割公腹
怨不息飛簷人至月如漆孰知奉命却空還夜半宮中出
墨敕竭來策蹇辭都門小帽青衣行得得是時間豈恨未
平尋釁難借移官名第一廉吏擢天下坐以贓賄神人驚
詒卿詩鈔 卷一 三

公也逍遙持峻節被逮頸繫銀鑰鐵婦孺猶自望公歸爭
奈奇冤不可雪袖抄成案許顯純淋漓紅濺朝衣血老臣
一死何足言可惜國勢金甌缺熹宗髥漆知未知昧心堂
前三木折二祖十宗鑒此心血誠還比江漢深茄花委鬼
紅滿地爲公翻作應山吟至今刑部血影石猶是先生舊
魂魄怪底黃芝生獄中天風吹落渾無迹獨留千古寸心
丹信史流傳鬚子官招魂願奠一杯酒揜髯大笑鬚青鸞
家仁山兄深柳讀書長卷

飽學人推蕭望之想見當年公車北上時道旁官柳搖鞭

影芙蓉鏡兆歸報泥金詞一行作吏此事廢但覺案牘夢

子絲卷束高閣不暇顧勸課日與農桑期我曾謁兄錢江

之琴署春風獵獵飄旌旗願以文章發經濟務期姓名勲

業要使兒童知詩書以爲本政令無不宜銅章墨綬莅茲

士民之父母士之師政餘涉圖史所得非毛皮自言經世

愧無策一編兀兀常獨持溪堂古砌不知數千樹萬樹濃

陰垂青澄有味百不厭拍案愈覺書中奇是時鸞鳳吟聲

徹胥吏竊笑僮僕疑兄也雖誦渾不識那復雙柑斗酒聽

黃鸝側聞此邑民事太煩劇教化未必謀可論膚肌却以

詠卿詩鈔

卷一

五

觀書兼治事能使剔除奸惡窮毫釐指膏不潤可以對天

地清風兩袖安有草堂貴至今明聖湖邊蘇白吳郡民歌

詠醉以鶯花卮都門示我此圖卷

時兄以服闋入都

畫中老筆殊

紛披柳橋今日晴明甚又見春城竹馬騎其才愈疎達動

念關瘡痍此後玉節彤弓金章犀帶不敢貢諛辭仍願憂

勤爲始基長令吾

祖榮顯昭清祠

三世祖華先公入祀忠孝祠

昔賢

樹立未有不奇偉何兄讀書樂道神無疲我謂兄之報

國本經術職守所効豈在官崇卑不然專城寄重仍勤學

志業恒稟荒于嬉樹間兀坐一碧潄成水應笑書生綠透

古鬚眉

前捕蝗行

飛蝗落地遺孽多土脈墳起如蜂窠搜創不力乃蠕動低

窪高阜皆同科是時全集生兩翼拍拍斬可因風力其來

蔽天天亦黑橫空純作陣雲色一落食盡千頃田頓令萬

戶無炊烟老農仰望已咽哽宰官出勘猶遷延泰興況給

如臯檄不自撲滅推鄰邑文報絡繹不絕來紙上焉能拯

饑溺却關民瘼藉民夫按畝攤派爲殲除簸鍾未盡民析

廬勢欲再繪流民圖飢蟲橫蠱不能死吏役需索可知矣

詠卿詩鈔

卷一

五

大吏覺察非不週日日飛札問起止可憐豐稔變荒年下

啄不見鷹盤旋但說捕蝗如捕米捕得蝗來不值錢

後捕蝗行

君不見唐太宗親撥飛蝗吞腹中願食心肝毋傷稼仁慈

直欲格蒼穹又不見漢卓茂蝗不入境嘉勲懋苛政既除

物亦知一邑居然獲神佑後世豈無賢有司捕除上法田

家詩去其蟻蝥付炎火俾填溝壑無留遺督郵行縣且按

視騶從烜赫如霞綺收買那借官倉粟供給先到捕蝗使

郵傳絡繹探行轅丹漆彩畫偏高瞻折腰屏息不敢懈却

使蝗孽何由殲奴隸孰況如虎徒滋擾累增旁午豈似
謝絳救荒書大異朱熊活民譜轉思此物害無窮開元立
法奪天工當年措施由姚崇嗚呼安得如姚崇

登躐女子

堂前畫鼓聲聲擗堂中女子嬌如花輕裝結束亦驍悍龍
顛鳳舞尤盤拏瞥見一躐大于斗此女從容托以手自言
不似宜僚丸乃使腳底風輪走少焉翻身卧仰天么鳳倒
挂殊娟娟躐在腳上腳不知以腳運躐躐轉旋騰脫鞢箭
離弦飛花滾雪不可數但覺空中瓣瓣飄金蓮翩然一落

詒卿詩鈔

卷一

三

解馬女子

五花戰馬三通鼓馬上紅粧能耀武罄控縱送無不宜絕
倫何止公孫舞四蹄雷電雙耳風此女騎馬如騎龍往來
超躍若平地豈知身在雕鞍中英姿颯爽黃金勒果然汗
血桃花色鬚雲不散嬌容閒想見秦家此裝飾海內承平
二百年老將蹀躞不敢前銀鞍玉轡亦何用尋春空拂珊
瑚鞭可憐十丈牙旗擁安能三百許曲踰將軍不及一蛾

眉巾帽丈夫猶神勇

古風十二首

此生患有身萬感嬰心神在昔女媧氏黃土搏爲人貴賤
日以判機巧日以新瓦缶勝金玉其味本津津自從斲雕
起樸實不見珍豈知百年後仍復爲沙塵思之發深喟吾
以全吾仁

螳螂捕飛蟬黃雀伺其後危機每中之貪冒復奚咎神惡
苦不知逞欲形諸醜私心甘桎梏氣盡促年壽不敢慕高
明甘與草木朽

詒卿詩鈔

卷一

五

丈夫雖不達意氣橫九州所寶良有在富貴非吾求置身
泰山巔邱垤焉足儔榮辱皆皮相感懷當涕流松楸有古
墓安知是王侯

至文發血性歌泣鬼神驚匪獨弄筆墨矯若鸞鳳鳴後世
重科第持此取公卿按之無一物了無真性情用之以濟
世無補於蒼生流弊盡粉飾奚取華貴名黜竄不自耻濫
竊簪與纓名教口所重富貴心所營去去勿復道努力事
躬耕

讀書不自悟鞭扑難爲功望道信未見已成白髮翁安得

源頭水汨汨來其中年長矜氣化道勝褊心融聖賢豈不力養正且在蒙積久漸有得奧衍無終窮淺者自見淺視之若鴻蒙深者自見深叩之如洪鐘

人生有妙用衡平與鑑空一蔽爲沈痼良藥難遽攻離婁矜至明雙葉蔽其瞳師曠稱至聰兩豆塞卽聾受病不在多隱忍成疲癯

庸臣近鎮靜能吏近貪酷二者行其志斯民乃無福古來經世才其心皆淳樸運奇於無奇所以酬枚卜麀鳳遊郊藪中原無失鹿厝火不復虞安事賈生哭

詩卿詩鈔

卷一

五

武官不怕死豈復畏賊兵恩重以身先所向無堅城譬如見戰血虎眼還增明士識將之意將識士之情甘心央一戰鬼雄安非榮可憐汗血馬望人成大功手提賊人頭報功入大營將軍壯其勇醜類怖其名兵勢得如此投筆請長纓

咄咄書怪事抑鬱胡爲哉一出失物望悔不淪蒿萊山林亦愧死援鶴聲獨哀蒲輪不到此安知非奇才

相馬畧瘦肥日可行千里聽琴得其真爲君可鼓矣氣短失英雄黃金賤無比所重在恩情卿感良有以女爲悅已

容士爲知已死

日月有剝蝕人生何所求歎息癡愚子奮志追浮邱拔宅飛上天化爲十二樓琪花餉白鹿瑤草卧青牛髮短耳何長萬劫身仍留霞餐委雲卧天遠恣神遊靈藥不可得采采懷瀛洲青山埋白骨但見團松楸至今丹經字不解還生愁

惻惻復惻惻微生如螻蟻辱之何足憂榮之何足喜一笑對浮雲萬事付流水劫至聖莫逃乃悟數與理正氣爲神明怨氣爲厲鬼何如混沌初不生亦不死羨彼荷鋤人斯爲曠達矣

詩卿詩鈔

卷一

五

爲曠達矣

泊舟河西務聞鄰船詩聲

此格無人識相期刻骨求疑神僧入定閉目撒先秋凡想除應盡吟聲苦未休料知心悟處得句抵封侯

春日同聞安齋楊蓮卿攜佩香游芥園作

津門交者誰六孫與安叟謂此兩名賢不落千古後性情本不羈雲夢吞八九一笑借名園置此一樽酒先登灑海樓所望無岡阜林立見帆檣河流盡東走四面風驟來兼之勢太陡還就廉讓堂當軒卽林藪磊落怪石多一一非